

**MINISTARSTVO  
OBRAZOVANJA, NAUKE,  
KULTURE I SPORTA**

**244**

Na osnovu člana 9. stava 2. i člana 15. Zakona o pozorišnoj djelatnosti, („Službene novine HNK“, broj 6/05) ministar obrazovanja, nauke, kulture i sporta donosi

**PRAVILNIK  
O REGISTRU POZORIŠTA**

**I - OSNOVNE ODREDBE**

**Član 1.**

Ovim pravilnikom uređuju se sadržaj i način vođenja registra pozorišta, pozorišnih skupina, filharmonija, simfonijskih orkestara, ansambala narodnih igara i pjesama i drugih profesionalnih ansambala i drugih muzičko-scenskih organizacija koje imaju sjedište na području Hercegovačko-neretvanskog kantona (u daljnjem tekstu: Registar).

**Član 2.**

Registar pozorišta vodi se u Ministarstvu obrazovanja, nauke, kulture i sporta HNK-a (u daljnjem tekstu: Ministarstvo) posebno za pozorišta, a posebno za pozorišne skupine, filharmonije, simfonijske orkestre, ansamble narodnih igara i pjesama i druge profesionalne ansamble i druge muzičko-scenske organizacije koje imaju sjedište na području Hercegovačko-neretvanskog kantona (u daljnjem tekstu: pozorište).

**II- IZGLED I SADRŽAJ REGISTRA**

**Član 3.**

Registar je knjiga s tvrdim povezom i koricama formata A4, sastavljena od stranica numeriranih brojevima od 1 do 100.

Na naslovnoj stranici Registra pozorišta upisane su velikim štampanim slovima riječi „REGISTAR POZORIŠTA A“ (obrazac 1)..

Na naslovnoj stranici Registra koji se vodi za pozorišne skupine, filharmonije, simfonijske orkestre, ansamble narodnih igara i pjesama i druge profesionalne ansamble i druge muzičko-scenske organizacije upisane su velikim štampanim slovima riječi „REGISTAR POZORIŠTA B“. (obrazac 1a).

**Član 4.**

Registar se sastoji od numeriranih stranica podijeljenih na rubrike u koje se unose sljedeći podaci (obrazac 3):

1. redni broj,
2. datum upisa u registar,
3. naziv, sjedište i adresa pozorišta,
4. djelatnost pozorišta,
5. naziv, broj i datum akta o osnivanju,
6. broj i datum rješenja o ispunjavanju uvjeta za osnivanje i početak rada pozorišta
7. broj i datum prijave za upis u Registar,
8. broj i datum rješenja o upisu pozorišta u sudski registar, kao i naziv i sjedište suda koji je izdao to rješenje,
9. broj i datum akta o statusnim promjenama, promjeni naziva i drugim bitnim promjenama, kao i naziv organa koji je donio taj akt,
10. broj i datum izdanog rješenja Ministarstva o upisu pozorišta u Registar,
11. broj i datum akta o prestanku rada pozorišta, kao i naziv organa koji je donio taj akt,
12. napomena.

Upis podataka u navedene rubrike vrši se na osnovu originalnih dokumenata ili njihovih ovjerenih prijepisa.

**Član 5.**

Na prvoj stranici ispod korice unose se podaci o ovjeri Registra (obrazac 2)..

Ovjera Registra vrši se na način što se:

- u gornjem lijevom kutu stranice iz stava 1. upisuju riječi s memoranduma Ministarstva,
- broj i datum pod kojim je knjiga registra upisana u djelovodnik Ministarstva,
- ime i prezime i potpis osobe ovlaštene za vođenje Registra,
- u donjem desnom kutu stranice upisuje se ime i prezime i potpis ministra,
- pored potpisa ministra stavlja se službeni pečat Ministarstva.

**Član 6.**

Obrasci knjige Registra nalaze se u pravitku ovog Pravilnika i čine njegov sastavni dio.

**III- POSTUPAK VOĐENJA REGISTRA**

*A. Upis u Registar pozorišta*

**Član 7.**

Upis u Registar vrši se na temelju prijave koju Ministarstvu podnosi pozorište.

Pozorište je dužno prijaviti Ministarstvu određenu statusnu i svaku drugu promjena koja nastane nakon upisa, a koja se upisuje u Registar.

**Član 8.**

Utvrđivanje ispunjenosti uslova za upis kao i sam upis pozorišta u Registar obavlja osoba koju ovlasti ministar ili po odobrenju ministra rukovodilac Sektora za kulturu.

**Član 9.**

Upis u Registar vrši se plavim mastilom na službenim jezicima i na službenim pismima sukladno ustavima u BiH.

Na jednoj stranici Registra upisuje se samo jedan subjekt upisa.

Svaki upis podataka u Registar ovjerava ovlaštena osoba iz člana 5. ovog Pravilnika svojim potpisom.

Ispravka pogrešaka vrši se na način da se pogrešno upisani dio teksta precrta crvenom crtom da ostane čitljiv, a iznad njega se upiše ispravan tekst s potpisom ovlaštene osobe i pečatom Ministarstva.

**Član 10.**

Sve izmjene podataka u Registru vrše se na način da se raniji upisani tekst precrta crvenom dijagonalnom crtom, a u sljedećoj rubrici upiše novi tekst i u rubrici „Napomena“ upiše se broj i datum akta na osnovu kojeg se radi izmjena teksta i potpis ovlaštene osobe i pečat Ministarstva.

U slučaju statusne promjene pozorište se upisuje pod novim rednim brojem, a u rubrici „Napomena“ unose se podaci o nastaloj promjeni, uz naznaku rednog broja ranijeg upisa.

*B. Brisanje iz Registra***Član 11.**

pozorišta se brišu iz Registra u slučaju prestanka rada ili statusnih promjena (spajanje, pripajanje i podjela).

Brisanje se vrši na način da se crvenom tintom zaokruži redni broj upisa u Registar i dijagonalno precrtaju svi ranije upisani podaci, a u rubrici „Napomena“ navede razlog brisanja i broj i datum akta na osnovu kojeg se pozorište briše iz Registra.

*C. Knjiga isprava***Član 12.**

pozorište podnosi Ministarstvu, kao privitak prijavi iz člana 7. ovog Pravilnika i akt o osnivanju, statut pozorišta, rješenje o upisu pozorišta u sudski registar i rješenje o ispunjavanju uvjeta za osnivanje i početak rada pozorišta.

Dokumenta iz prethodnog stava čuvaju se u posebnim omotima označenim rednim brojem upisa u registar i čine knjigu isprava koja je sastavni dio registra.

Ministar mjerodavan za kulturu izdaje rješenje o upisu u Registar najkasnije osam dana od izvršenog upisa.

**Član 13.**

Prijavu za upis u Registar postojeća pozorišta dužna su podnijeti u roku od 60 (šezdeset) dana od dana stupanja na snagu ovog pravilnika.

**Član 14.**

Ovaj pravilnik stupa na snagu danom objavljivanja u „Službenim novinama HNK“.

Bosna i Hercegovina  
Federacija Bosne i Hercegovine  
HERCEGOVAČKO NERETVANSKI KANTON  
Ministarstvo obrazovanja, nauke, kulture i sporta

Broj: 05-01-40-1136-1/06  
Mostar, 21. jula 2006. godine

MINISTAR  
Jago Musa, prof.s.r